

განმარტებითი ბარათი

„საქართველოს ყოფილი უმაღლესი პოლიტიკური თანამდებობის პირების ოჯახის წევრთა სოციალური დაცვის გარანტიების შესახებ“ საქართველოს კანონში ცვლილებებისა და დამატებების შეტანის თაობაზე

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი

კანონის მომზადება განპირობებულია სახელმწიფოს მიერ სამედიცინო დაზღვევის მიწოდების მექანიზმის ცვლილებით. კერძოდ, „ჯანმრთელობისა დაცვის შესახებ“ და „პარლამენტის წევრის სიცოცხლისა და ჯანმრთელობის სავალდებულო დაზღვევის შესახებ“ საქართველოს კანონებში განსახორციელებელი ცვლილებებისა და დამატებების შესაბამისად, სხვადასხვა მიზნობრივი ჯგუფებისათვის სახელმწიფო დააფინანსებს სამედიცინო მომსახურებას ან პირად დაზღვევას (სიცოცხლის ან/და ჯანმრთელობის დაზღვევა) „ვაუჩერის“ გამოყენებით.

ა.ბ) კანონპროექტის მიზანი

კანონპროექტი მიზნად ისახვს, რომ ვაუჩერის მესაკუთრემ – გარდაცვლილი უმაღლესი პოლიტიკური თანამდებობის პირის (ყოფილი უმაღლესი პოლიტიკური თანამდებობის პირის) ოჯახის სრულწლოვანმა წევრებმა, სახელმწიფოს მიერ მათთვის გადაცემული გარკვეული ღირებულებისა და მოცულობის ვაჩერის ფარგლებში თავად აირჩიონ ის სადაზღვეო ორგანიზაციები, რომელთანაც თავადვე გააფორმებენ სადაზღვეო ხელსეკრულებას. თავის მხრივ, სადაზღვეო ორგანიზაცია ვაუჩერს გაანაღდებს შესაბამის სახელმწიფო ორგანიზაციასთან ანგარიშსწორების გზით.

ა.გ) კანონპროექტის ძირითადი არსი

ზემოაღნიშნული პრინციპების „საქართველოს ყოფილი უმაღლესი პოლიტიკური თანამდებობის პირების ოჯახის წევრთა სოციალური დაცვის გარანტიების შესახებ“ საქართველოს კანონზე ასახვის მიზნით, ცვლილება შედის კანონის მე-3 მუხლი მე-2 პუნქტში, სადაც ახლებურად ისაზღვრება დაზღვევის სუბიექტები, კერძოდ, დაზღვეული არის გარდაცვლილი უმაღლესი პოლიტიკური თანამდებობის პირის (ყოფილი უმაღლესი პოლიტიკური თანამდებობის პირის) ოჯახის წევრი, რომლის სასარგებლოდაც ხორციელდება დაზღვევა. დამზღვევი არის პირი, რომელმაც დადო დაზღვევის ხელშეკრულება მზღვეველთან, დამზღვევი იმავდროულად წარმოადგენს დაზღვეულს. მზღვეველი არის სადაზღვევო საქმიანობის განმახორციელებელი ლიცენზირებული სადაზღვევო ორგანიზაცია, რომელიც უზრუნველყოფს გარდაცვლილი უმაღლესი პოლიტიკური თანამდებობის პირის (ყოფილი უმაღლესი პოლიტიკური თანამდებობის პირის) ოჯახის წევრების სიცოცხლისა და ჯანმრთელობის სავალდებულო დაზღვევას. მზღვეველს დაზღვეული ირჩევს თავისი შეხედულებისამებრ, განსხვავებით დღეს მოქმედი რედაქციისაგან ამ პროცესში მას აღარ სჭირდება საქართველოს ფინანსთა სამინისტროსთან შეთანხმება.

პროექტის პირველი მუხლის მე-2 პუნქტის მიხედვით, იცვლება კანონის მე-3 მუხლის მე-5 პუნქტი, რის მიხედვითაც, გარდაცვლილი უმაღლესი პოლიტიკური თანამდებობის პირის (ყოფილი უმაღლესი პოლიტიკური თანამდებობის პირის) ოჯახის წევრების სიცოცხლისა და ჯანმრთელობის სავალდებულო დაზღვევა ხორციელდება ვაუჩერის მეშვეობით, რომლის პირობები (მათ შორის მისი გაცემის წესი, ვაუჩერის ღირებულება, აგრეთვე ვაუჩერის გამოყენებასთან და ანაზღაურებასთან დაკავშირებული საკითხები) განისაზღვრება საქართველოს მთავრობის დადგენილებით“.

ბ) კანონის პროექტის ფინანსური დასაბუთება

ბ.ა) კანონის პროექტის მიღებასთან დაკავშირებით აუცილებელი ხარჯების დაფინანსების წყარო

კანონპროექტის მიღება არ მოითხოვს ბიუჯეტიდან დამატებით ფინანსურ ხარჯებს, რამდენადაც აღნიშნული ცვლილებით ზუსტდება მიმდინარე წლის ბიუჯეტით სამინისტროსათვის გამოყოფილ ასიგნებათა ფარგლებში.

ბ.ბ) კანონის პროექტის გავლენა ბიუჯეტის საშემოსავლო ნაწილზე

კანონის პროექტის მიღება გავლენას არ იქონიებს საშემოსავლო ნაწილზე

ბ.გ) კანონის პროექტის გავლენა ბიუჯეტის ხარჯვით ნაწილზე

კანონის პროექტი გავლენას არ იქონიებს ბიუჯეტის ხარჯვით ნაწილზე, რამდენადაც აღნიშნული ცვლილება დაკავშირებული არ არის საბიუჯეტო სახსრების ოდენობის ცვლილებასთან.

ბ.დ) სახელმწიფოს ახალი ფინანსური ვალდებულებები

კანონის პროექტის მიღება არ გამოიწვევს სახელმწიფოსათვის ახალი ფინანსური ვალდებულებების წარმოქმნას.

ბ.ე) კანონის პროექტის მოსალოდნელი ფინანსური შედეგები იმ პირთათვის რომელთა მიმართაც ვრცელდება კანონპროექტის მოქმედება

კანონპროექტი არ გამოიწვევს ფინანსურ შედეგებს იმ პირებისათვის, რომლებზედაც ვრცელდება მისი მოქმედება.

ბ.ვ) კანონის პროექტით დადგენილი გადასახადის, მოსაკრებელი ან სხვა სახის გადასახდელი ოდენობის განსაზღვრის წესი (პრინციპი)

კანონპროექტით არ ღვინდება გადასახადის, მოსაკრებელი ან სხვა სახის გადასახდელის ოდენობის განსაზღვრისა და დადგენის წესი.

გ) კანონის პროექტის მიმართება საერთაშორისო სამართლებრივ სტანდარტებთან

გ.ა) კანონის პროექტის მიმართება ევროკავშირის ღირებულებებთან

კანონის პროექტი არ ეწინააღმდეგება ევროკავშირის ღირებულებებს

გ.ბ) კანონის პროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

კანონის პროექტის მიღება არ ეწინააღმდეგება საქართველოს მიერ საერთაშორისო ორგანიზაციებში წევრობასთან დაკავშირებით აღებულ ვალდებულებებს.

გ.გ) კანონის პროექტის მიმართება საქართველოს ორმხრივ და მრავალმხრივ ხელშეკრულებებთან

კანონის პროექტის მიღება არ არღვევს და არ ეწინააღმდეგება საქართველოს მიერ დადებულ ორმხრივ და მრავალმხრივი საერთაშორისო ხელშეკრულებებით ნაკისრ ვალდებულებებს.

დ) კანონის პროექტის მომზადების პროცესში მიღებული კონსულტაციები:

და) არასახელმწიფო ან/და საერთაშორისო ორგანიზაცია/ დაწესებულება, ექსპერტები, რომლებმაც მონაწილეობა მიიღეს კანონის პროექტის შემუშავებაში, ასეთის არსებობის შემთხვევაში

კანონის პროექტი არ ყოფილა წარდგენილი ექსპერტებისათვის.

დ.ბ) კანონის პროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ

კანონპროექტი შემუშავებაში არ მიუღიათ მონაწილეობა ორგანიზაციებსა და დაწესებულებებს.

დ.გ) კანონის პროექტის ავტორი

კანონპროექტის ავტორია საქართველოს შრომის, ჯანმრთელობისა და სოციალური დაცვის სამინისტრო.

დ.დ) კანონის პროექტის ინიციატორი

კანონის პროექტის ინიციატორია საქართველოს მთავრობა.

